



Komuna e Klinës

Kuvendi i Komunës

01Nr. 06-19707 2023

Klinë, 14.06.2023

PROCESVERBAL

Nga mbledhja e Kuvendit të Komunës së Klinës, mbajtur me datë 28. 04. 2023, në sallën e Kuvendit, nisur nga ora 10:00.

Pjesëmarrës në mbledhje: Kryetari i Komunës, Anëtarët e Kuvendit të Komunës, nënkryetarja e Komunës, drejtorët e Drejtorive, përfaqësues të policisë së Kosovës, përfaqësues të OSBE, Mediat lokale si dhe qytetarë.

Mbledhjen e hapi Kryesuesi i Kuvendit, z. Fadil Gashi i cili përshëndeti të gjithë të pranishmit në sallë. Kryesuesi konstatoi se prezent në mbledhje janë 27 anëtarë të Kuvendit.

Kryesuesi që në fillim kërkoj që të lexoj një raport të Kuvendit të nxjerrë në vitin 2013, për këtë deklaroi që do të dalë në foltore.

z. Fadil Gashi, kryesues: Motivi që po ju drejtohem juve ka një arsye se në atë kohë kam qenë edhe unë anëtar i kuvendit. Përveç kësaj jemi në muajin prill që ka krijuar shumë përkujtime dhe shumë ngjarje. Muaji është karakterizuar me përvjetorë e dhimbje masive. Klina e ka datën 4 prill ditën e të zhdurve të luftës e dje ishte ditë në nivel të Kosovës. Tjetër këtë muaj e karakterizon viti 2013 ku me datë 26 prill të këtij viti ky kuvend e ka miratuar një raport për dëmet e luftës. Një komision që është ndërtuar prej këtij kuvendi i cili pas hulumtimeve, bashkëpunimit të madh me organizata dhe institucione ka ndërtuar këtë raport.

Qysh në vitin 2013 kemi një raport që në tërësinë e tij as atëherë as tani nuk kemi pretenduar që është krejtësisht i saktë por afër 90% është i saktë. I ka adresuar saktë shumicën e dëmeve të krijuara gjatë luftës nga agresori.

Në vazhdim z. Gashi bëri përshkrimin e raportit më më në detaje. Për ta përfunduar me shqetësimin e mos marrjes së organeve tona më këtë raport duke e ditur që dëshmitarët të përfshirë me kalimin e viteve edhe po vdesin. Ky kuvend me këtë raport

ka nxjerr edhe rekomandime duke jua drejtuar institucioneve përkatëse dhe përgjegjëse.

z. Fadil Gashi lexoi rekomandimet e kuvendit bashkangjitur raportit në fjalë duke theksuar se ka mbledhur informata zyrtare dhe deri me at kemi 877 padi nga qytetarët serb kundër institucioneve tona. 210 padi janë civile ndërsa të tjerat janë kundër institucioneve tona për dëmet e luftës ndërkohë që ne edhe përkundër vrasjeve masive që na janë bërë e dëmeve qysh edhe shihet në raport, nuk kemi ngritur asnjë padi. Ky raport nuk akt ë bëjë kundër asnjë pjesëtari të komunitetit serb, ata le te ndjehen komod dhe të sigurt, ne kemi të bëjmë vetëm me akteret e këtyre dëmeve.

z. Fadil Gashi e përfundoi fjalimin e tij duke uruar që duke kujtuar këtë raport sot në këtë kuvend dëshiron që të i bëhet edhe një herë një alarm për drejtësinë dhe institucionet e tona që të ndërmarrin veprimet ligjore.

z. Esat Raci: Përshëndetje të gjithëve. Kam dy falënderime për këtë raport që posa e lexuat. Falënderoj komisionin që e ka përgatit këtë raport dhe faleminderit juve që e rikujtuat. Vërejte kam pa dallim për të gjitha institucionet që këtë raport e kanë lënë në sirtar. Rekomandoj që të zgjidhet një komision ose të bëhet një rekomandim për zyrën ligjore që të hulumtoj dhe të kryej obligimet zyrtare sa i përket këtij raporti.

z. Binak Sylaj, drejtor i administratës: Përshëndetje të gjithëve. Ndjem mirë dhe krenar që kam qenë pjesë e atij komisioni. Sa i përket procedurës , dua të ju siguroj se edhe materiali është prezent të ne, janë bërë veprimet e duhura edhe nga niveli lokal edhe qendror. Klina është një ndër komunat e para që ka bërë një punë të tillë. Është mirë që të iniciohet edhe nga ne por organet përgjegjëse i kanë të gjitha këto shënime , deri ku ka shkuar procedura nuk mund ta dimë ne.

z. Arben Limanaj: Edhe ne si grup e mbështesim iniciativën e theksuar nga kryesuesi. Dëshiroj që të kërkoj nga ju kryesues që nëse shihet e nevojshme për plotësim të tij raporti, ju informoj se ekzistojnë video të asaj kohe të bëra nga një ekip vullnetar të cilëve jua patëm paguar vetëm shpenzimet teknike. Pra, janë të gjitha video dhe foto që dokumentojnë dëmet e luftës dhe janë të ruajtura në arkivin e komunës.

z. Valmir Bacaj: Përshëndetje. Ne shpesh e dëgjojmë nëpër media se Kosova nuk ka bërë asgjë sa i përket dëmeve të luftës, Kjo që ka bërë komuna e Klinës e demanton këtë gjë. Besoj që tani pasi që po ri iniciohet kjo do të jetë një alarm për institucionet dhe do të ndërmerret ndonjë gjë.

z. Zafer Gashi: Përshëndetje. Ju përgëzoj për iniciimin e këtij raporti. Është shumë me rëndësi ajo që është shënuar në fund të atij raporti ku kuvendi i Klinës rekomandon që në bisedimet me Serbinë të jetë temë edhe Dëmet e shkaktuara gjatë luftës në Klinë. I përgëzoj të gjithë anëtarët e atij komisioni por dua të përmendi disa emra të cilët qysh në qeverisjen e parë të përkohshme lokale kanë kontribuar në grumbullimin dhe mbledhjen e fakteve siç janë, z. Habib Morina, Isni Raci, Zeqir Morina, Kamer Raci etj. Si duket ndër vite nga qeveritë është neglizhuar dhe nuk kanë pasur vullnet që të

Me 27 vota për bashkë më vërejtjen e bërë u MIRATUA

Pika 3 e Rendit të Ditës: Rekomandimet e KPF-së

Me 27 vota për u MIRATUAN rekomandimet e KPF-së.

Pika 4 e Rendit të ditës: Shqyrtimi i raportit të menaxhimit financiar Janar-Mars 2023

z. Enver Berisha, drejtor i FEZH: Përshëndetje të gjithëve. Ashtu siç e parasheh ligji për buxhet dhe ligji për financa, ne jemi të obliguar që të raportojmë para kuvendit çdo tre muaj. Ky buxhet dhe ky planifikim për vitin 2023 është i bazuar mbi këtë ligj dhe i aprovuar nga kjo asamble vitin e kaluar. Fillimisht ju njoftoj se gjatë hartimit të këtij buxheti është precizuar edhe situata e obligimeve të mbetura.

Gjatë raportimit, drejtori mes të tjerash theksoi se janë 51000 euro të bartura nga viti i kaluar nga mallra dhe shërbime dhe po ashtu shpenzimet komunale 37594 euro të bartura nga viti i kaluar. Këto janë shpenzime më të mëdha se sa ai i vitit të kaluar ën të njëjtën periudhë. Po ashtu drejtori Berisha foli për shpenzimet e tjera, të hyrat vetanak, grumbullimin e të hyrave vetanak në shifra dhe sipas z. Berisha gjithçka është normale dhe sipas planifikimit të bërë. Me gjithë hamendjen e qytetarëve se a duhet paguar tatimin në pronë në vlerë prej 100 eurove që ka udhëzuar qeveria, ata janë përgjigjur kënaqshëm, tha z. Berisha.

Sipas drejtorit Berisha janë dy fazat e vërshimeve që kanë qenë sfida dhe kanë krijuar shpenzime si në derivate dhe të tjera. Ndërsa projekti i serave po ashtu ka krijuar shpenzime pasi që janë mbi 200 familje që janë vizituar. Po ashtu shpenzime më të mëdha se sa vitin e kaluar në të njëjtën periudhë janë edhe ato të telefonisë pasi që në periudhën e njëjtë vitin e kaluar ka qenë loko dhe tani është Vala që duket se është më e shtrenjtë.

z. Ndrec Zefaj: Përshëndetje. E kam lexuar raportin financiar dhe të njëjtën kohë kam shkoqitur dy pika që mendoj se duhet të i raportojmë në kuvend. Të hyrat Komunale tek të hyrat vetanak. Krahasuar me periudhën e njëjtë me vitin 2022 është më e ultë për 12.3%. Si pikë e dytë është performanca e shpenzimeve, shpenzimet kapitale. Është mjaftë shqetësuese sepse në tre mujorin e parë kemi shpenzime tek kjo kategori vetëm 1.6%. nëse vazhdohet me këtë trend në fund të vitit do të kemi suficit buxhetor.

z. Enver Berisha, drejtor i FEZH: Si duket nuk u kuptuam sa duhet me sqarimin tim. Asnjë më pak nuk ka të hyra tek tatim paguesit përveç ndalimit të qeverisë që ju ka bërë qytetarëve me atë faljen e 100 eurove. Po ashtu sa i përket shpenzimeve kapitale ne do ta arrijmë kuotën e duhur gjithsesi.

z. Ndrecaj dhe z. Berisha diskutuan edhe më tutje me pajtim - mospajtim në lidhje me atë që shprehu z. Ndrecaj në fjalën e tij të parë.

z. Enver Gashi, shprehu kënaqësinë për trendin e uljeve të disa shpenzimeve por foli për disa shqetësime në lidhje me rritje të disa shpenzimeve të tjera si ajo e telefonisë, karburanteve etj.

z. Esat Raci shtroj disa pyetje duke thënë se diku rreth 10% ka rritje të shpenzimeve. Ai tha se ka dëshirë ta diji tek mbeturinat, tek shpenzimet e telefonisë mobile pse rubrika është e zbrazet në tabelar. Tek dreka zyrtare tha se kjo qeveri shihet që ka nisë me e rrit luksin pak.

z. Zafer Gashi, tha se shqetësimi i tij është tek investimet kapitale. Mallrat dhe shpenzimet që janë bërë shumë pagesa ndërsa investimet kapitale akne ngelur shumë pak. Z. Gashi theksoi se shpenzimet e bëra tek anëtarësimi në oden e mjekëve, çdo tre muaj shumat po i kalojnë 3000 euro. E diji që kemi mungesë të mjekëve s` di sa mjek anëtarësohen në oden e mjekëve çdo tre muaj. Po ashtu shuma e madhe e shpenzuar për tre muaj është edhe tek telefonia mobile, tha në fund z. Gashi.

z. Valmir Bacaj, deklaroi se këtë raport e kemi analizuar dhe kemi bërë krahasime me vitin e kaluar. Ai në vazhdim tha se kuptoj rritjen e shpenzimeve tek pagat janë 2130 euro më tepër. "Shpenzimet që po thuhet shpenzime të luksit janë më pak se vitin e kaluar. Shpenzimet e telefonisë mobile edhe kjo kuptohet pasi që është ndërruar operatori. Ulja e tatimit në pronë ka ndodhur për shkak të njoftimit të qeverisë me parashikimin e faljes prej 100 euro dhe unë këtu dua të ju them qytetarëve që edhe nëse paguajnë tatimin në pronë dhe ndodhë falja , ajo shumë do të ju rimbushet", tha, z. Bacaj.

z. Fadil Gashi, kryesues tha se qytetari ka ardhë në situatë të mendoj se a duhet paguar tatimi në pronë a nuk duhet shkak i këtij vendimi të qeverisë. "Në vendim nuk shkruan askund që do të rimbushen prandaj nuk jam shumë dakord me atë që e tha në këtë pjesë z. Bacaj", tha kryesuesi. Z. Gashi tha gjithashtu se nuk është aspak dakord me centralizimin e lidhjes së kontratave të OE me qeverinë për furnizim të zyrave në komunë e shkolla sepse ka shumë parregullsi në furnizim e sidomos vonesa.

Në fjalën e kryesuesit kishte reagim nga anëtari i LVV në Kuvend, z. Zafer Gashi por edhe kundër reagim të kryesuesit z. Fadil Gashi.

Drejtori i FEZh ,z. Enver Berisha në fund u përgjigj edhe për shqetësimin e pagesave për "Ambientin" duke e specifikuar dhe arsyetuar rritjen e shpenzimit. Po ashtu edhe për dreka shpjegoj që janë më shumë dreka që epen kur punëtorët dalin në pension. Ndërsa shpenzimet e vogla në investime kapitale tha se këto nuk mund të bëhen në janar e shkurt sepse është dimër.

z. Kushtrim Haliti tha se dëshiron që të shpreh shqetësimin për rrugën e Dollcit të shtruar në dhjetor e që është prishur e tëra. Po ashtu edhe ura në Pogragjë është demoluar nga vërshimet përkundër investimit të vonshëm.

Në shqetësimin e Kushtrim Halitit u përgjigj z. Enver Berisha drejtor i FEZh.

Pika 5 e rendit të Ditës: Shqyrtimi dhe miratimi i propozim vendimit të drejtorisë së FEZh për bartjen e mjeteve financiare.

Kryesuesi z. Gashi tha se shkresën nga kjo drejtori e keni marrë, aty shihet që është fjala për bartjen e dy shumave . njëra në vlerë 6000 euro dhe tjetra në vlerë prej 7820 euro. Janë në kategori dhe nën kategori prej nga dhe ku barten.

Me 26 vota për , asnjë kundër dhe asnjë abstenim U MIRATUA

Pika 6 e Rendit të Ditës: Shqyrtimi dhe miratimi i propozim vendimit për krijimin e kodit të ri për participim në sera.

Kryesuesi theksoi se edhe në KPF është thënë se është hera e fundit që miratojmë një këso shkresë sepse duhet të vijë me kohë kjo kërkesë para se të fillohet me sera.

Z. Lorenc Marleku drejtor i Bujqësisë shpjegoi që s` ka pas mundësi me e sjell më herët kërkesën sepse nuk është ditur shuma. Ndërsa kryesuesi replikoi duke thënë se nuk po e diskutojmë shumën por kodin, kodi i ri për participim duhet të caktohet më herët se sa të filloj ndarja e serave.

Me 24 vota për asnjë kundër dhe asnjë abstenim U MIRATUA

Pika 7 e Rendit të Ditës: Shqyrtimi dhe miratimi i propozimit të drejtorisë së shëndetësisë dhe mirëqenies sociale për vënie në diskutim publik të draft statutit të QKMF-së

Me 25 vota për asnjë kundër dhe asnjë abstenim U MIRATUA

Pika 8 e Rendit të Ditës: Kërkesë për emërtimin e një rruge me emrin Willy Kuypers

Kryesuesi tha se është dakordim nga kryetari, komisioni për rrugë për emërimin e një rruge me emrin e këtij humanisti për mbrojtjen e të drejtave të njeriut.

Me 25 vota për asnjë kundër dhe asnjë abstenim U MIRATUA

Pika 9 e Rendit të Ditës: Shqyrtimi dhe miratimi i propozimit të zyrës për komunitete dhe kthim për vënie në diskutim publik të draft planit komunal të veprimit për të zhvendosurit dhe zgjidhje të qëndrueshme.

Me 24 vota për asnjë kundër dhe asnjë abstenim U MIRATUA

Pika 10 e Rendit të Ditës: Anulimi i vendimit për bartjen dhe shpërndarjen e mjeteve të mbetura nga të hyrat vetanak nga viti 2022 në vitin 2023.

Fillimisht vendimi u anulua me 24 vota për asnjë kundër dhe asnjë abstenim U MIRATUA

Propozim vendimi i ri për bartje me 24 vota për asnjë kundër dhe asnjë abstenim U MIRATUA

Pika 11 e Rendit të Ditës: Anulimi Draft rregullore për bonuset e zoonimit në komunën e Klinës

Kërkohet anulimi i vendimit për vënie në diskutim publik të kësaj draft rregulloreje edhe pse jemi bazuar në rregulloren që na obligon për vënie në diskutim publik të kësaj rregulloreje tha z. Fadil Gashi, kryesues. Me gjithë këtë ne jemi duke e shqyrtuar sipas kërkesës së tyre, tha z. Gashi.

Votohet rishqyrtimi i kësaj rregulloreje dhe me 24 vota për asnjë kundër dhe asnjë abstenim U MIRATUA rishqyrtimi.

Pika 12 e rendit të Ditës: Bartja e pronës nga pronësia e shkollës “Dositije Obradovic” në Dollc në pronësi të Komunë së Klinës

Kryesuesi tha se kërkohet formalisht ky vendim dhe e vuri në votim

Me 24 vota për asnjë kundër dhe asnjë abstenim U MIRATUA.

Pika 13 e Rendit të Ditës: Pyetje dhe përgjigje

Kryesuesi kërkoi që të bëhen vetëm nga një pyetje nga një anëtar i kuvendit ose e caktojmë minutazhen sipas rregullores prej 15 minutave në tërësi. Kjo nuk u mirëprit nga grupet opozitare por kryesuesi tha se mundësia e anëtarëve për thirrje në interpelancë është e mundshme në mënyrë që të këtë më shumë mundësi diskutimi.

z. Ndrec Zefaj: Për drejtorin e arsimit. Është lëshuar një vendim për mbylljen e çerdhes së fëmijëve” Xhevë Lladroci” me arsye për renovim. Pse po ndodhë tani e jo ën muajin Gusht kur fëmijët janë pushim.

z. Qemajl Sejdiu, drejtor i DKA: Vendimi nuk ka qenë nga DKA në Klinë por nga inspektorati i arsimit të cilët akne kërkuar që tani të bëhet renovimi. Nuk kemi qenë dakord por gjithsesi ata kanë këmbëngulur .

z. Zafer Gashi: kam kërkesë për kryetarin e Komunë she ekzekutivi që ta kemi listën e personave përfitues nga rasti i parë i vërshimeve. Po ashtu një pyetje për mjetet e ndara për veteranin Sokol Gashi. Kryetari herën e fundit ka thënë se ajo çështje e votuar këtu në kuvend është në procedurë por akoma nuk janë realizuar derdhja e mjeteve të ndara nga Kuvendi. Pyetje kam edhe për drejtorin e Shërbimeve Publikë, fjala është për një qytetar i cili edhe juve ju ka njoftuar edhe pse nuk është komplet kompetencë e juaja, unë ju lutem që të i ndihmoni që të bëni një lloj presioni mirëdashës tek KEC a Kesh për heqjen e një shtylle elektrike ne derë të oborrit të z. Januz Haxhaj.

z. Qendrim Millaku, drejtor i SHP: Neve edhe në Sferkë kur i kanë ndërruar shtyllat në momentin e fundit na kanë njoftuar. Ne kemi një lloj bashkëpunimi por ajo është kompani private që nuk i jep shumë llogari Komunës.

z. Kushtrim Haliti: Po bëhen tre muaj nga votimi i raportit të fundit për vërshime, a ka ndërmarr ndonjë veprim qeveria për kompensime. Për drejtorin e Urbanizmit: Nëse një

qytetar aplikon për leje për ndërtim sa është afati ligjor me ja kthyer përgjigjen? Dhe nëse skadon afati ligjor si duhet të veprohet? Dhe për drejtorin e Inspektoratit: Për pronën publike që e kam diskutuar këtu në seancën e kaluar, pronë komunale e uzurpuar në mes të qendrës a keni marr ndonjë masë a veprim?

z. Qendrim Millaku, drejtor i SHP: Ne kemi pasur takim me nivelin qendror nuk kemi marrë përgjigje zyrtare akoma se a është pranuar apo jo raporti. Sa i përket pyetjes së znj. Valmire Krasniqi nga seanca e kaluar në lidhje me qentë endacak, e kemi rritur buxhetin nga 20 mijë euro në 30 mijë euro për trajtim dhe pas një jave mbyllet tenderi ku pastaj do të kemi procedurë të kontratës.

z. Enver Berisha, drejtor i Urbanizmit: Lejet e ndërtimit janë dy kategori. Kategoria e parë e cila i ka 30 ditë për shqyrtim dhe kategoria e dytë i ka 45 ditë. Brenda afatit 30 ose 45 ditë mund të kërkohen dokumentacione shtesë dhe nëse qytetari nuk ofron dokumentet e kërkuara afati mund të zgjatet. Paraprakisht duhet nxjerrë kushtet ndërtimore e pastaj leja e ndërtimit edhe kushtet ndërtimore akne një afat, kategoria e parë 15 ditë dhe e dyta 30 ditë. Nëse nuk shqyrtohet me kohë dhe fajtor është zyrtari atëherë mund të jetë aprovim në heshtje por edhe aprovimi në heshtje bazohet në ligje aktuale.

z. Faruk Smajli, drejtor i inspektoratit: Parkingu në fjalë është i pajisur me leje pune dhe leje për shfrytëzim në Vitin e kaluar. Për këtë vit është një vendim i publikuar në ueb të komunës që ju ka dhënë mundësi të gjithë shfrytëzuesve të hapësirave publike që deri me 31 mars të lirojnë hapësirat ose të aplikojnë për leje për shfrytëzim. Biznesi në fjalë ka aplikuar dhe është në procedurë.

z. Kushtrim Haliti: Unë kam qenë në drejtori dhe kam marr informacione në drejtorinë e urbanizmit. Biznesi në fjalë nuk ka bërë asnjë kërkesë për shfrytëzim të pronës. Qe 4 muaj ai as nuk ka paguar asgjë dhe as nuk ka aplikuar për leje për shfrytëzim.

z. Faruk Smajli, drejtor i inspektoratit: Kur ta merr në shfrytëzim do ta bëjë pagesën për tërë vitin komplet. Biznesi në fjalë është në procedurë për marrje në shfrytëzim.

z. Enver Berisha, drejtor i FEZH: Biznesi në fjalë i ka paguar vitin e kaluar komplet është fatura në drejtori të financave, këtë vit nëse e merr do të paguaj përsëri.

z. Tunë Dedaj: Kam një pyetje nga drejtori i inspektoratit, pse tek ne nuk zbatohet ligji për duhanin?

z. Faruk Smajli, Drejtori i Inspektoratit: Është në kompetencë të AVUK që të kontrollojnë se si zbatohet ligji për duhanin. Nëse kërkohet nga ne prej AVUK ne do të dalim bashkë me ta në inspektim.

z. Asdren Ramadani: Kam një pyetje për drejtorin e urbanizmit. Kur do të filloj projekti për rregullimin e rrugës së gjimnazit për ndërtimin e trotuarit? Pyetje për z. Millaku: A mund ta dijë kush menaxhon parkingun e shtëpisë së kulturës sepse aty punëtorët e kulturës nuk po gjejnë vend për parkim.

z. Enver Berisha, drejtor i Urbanizmit: Ne kemi kërkuar që të bëhet një projekt tjetër sepse ai projekt nuk i plotëson kriteret. Mendoj që shumë shpejt do të vijmë tek një operator që do të bëjë projektin dhe më pastaj të procedojmë. Këtë vit do ta realizojmë.

z. Qendrim Millaku, drejtor i SHP: Kemi shpallur procedurën por është e zorshme që të sigurohet parking për të gjithë punëtorët e Komunës.

Znj. Blerina Gashi: Kur është afati i fundit të përfundimit të kontratës së ujësjellësit për Gjurgjevik të Madh?

z. Qendrim Millaku, drejtor i SHP: Ky projekt është i CDI por problemi është edhe tek KEDS të cilët kanë kërkuar leje për trafo tek pusi i Jerinës dhe Ujmir. Besoj së shpejti do të përfundoj por është procedurë e KEDS.

Znj. Valmira Krasniqi: Kam një pyetje për drejtorin e SHP. Tek rruga në fshatin Perqevë në një pjesë nuk është bërë ndriçimi publik, pse nuk është bërë vetëm sepse janë të LVV? Dhe në seancën e kaluar të kam pyetur për rregullimin e trotuarit tek lumi, ku është dëmtuar nga vërshimet.

z. Qendrim Millaku, drejtor i SHP: Për trotuarin ndoshta është mirë që të pyetet drejtori i urbanizmit ndërsa sa i përket ndriçimit publik në Perqevë do at rregullojmë gjithandej gjithsesi sepse punojmë pa dallime partiake.

z. Enver Berisha, drejtor i urbanizmit: Sa i përket trotuarit ne kemi pasur pengesa për shpronësim të pronave private.

Znj. Valmire Krasniqi: Nuk e kisha fjalën për trotuare te reja por trotuare të dëmtuara nga vërshimet nën urën e hekurudhës.

z. Arben Limanaj: Një qytetar nga Leskoci mi dërgoi disa foto të dëmtimit të pronës së tij. Nuk e diji për çfarë projekti bëhet fjalë, shihen të mbjellat e tij të dëmtuara.

z. Enver Berisha, drejtor i urbanizmit: Projekti është duke u realizuar në Leskoc dhe Ranoc. Kemi disa pjesë që duhet të rregullohen- bankina. Operatori ka bërë disa dëmtime , kam qenë në vend të ngjarjes dhe kam folur me operatorin që të bëjë rregullimin . Nuk është aq alarmante sa po flitet. Janë dëme shumë të vogla.

Znj. Ilirjana Toplanaj: Dua të ju informoj që kemi themeluar grupin grave asambliste dhe me përkrahjen e të gjitha grave jam zgjedhur kryetare e grupit. Për mbledhjen e këtij grupi do të ju informoj përmes telefonit.

Informimi nga zonja Toplanaj ishte e fundit për këtë seancë të rregullt të punës të cilën kryesuesi pasi falënderoj të gjithë anëtarët dhe të pranishmit e shpalli të mbyllur.

Procesmbajtës:

Skënder Behramaj



Kryesuesi:

Fadil Gashi

